



18. august 2022

EM 2022/95

Inatsisartut suleriaasianni § 33 naapertorlugu aalajangiiffigisassaattut siunnersuut imaattoq matumuuna saqqummiuppara:

**Maniitsup eqqaani erngup nukissiuuteqalernissaa pillugu Naalackersuisut UKA 2023-mut Inatsisartunut saqqummiussassamik pilersaaruisoqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq, Siverth K. Heilmann, Atassut)

**Tungavilersuut:**

Illoqarfipput ukiorpassuarni aalisarnikkut nunamilu aalisakkanik suliffissuaqarnikkut kiisalu suliffeqarfiit namminersortut inerisartuarneqarnissaanut periarfissagissaartumi, minnerunngitsumillu innuttaasut erngup nukinga atorlugu akikitsumillu innaallagissamik pilersorneqarnissarput pisariaqartilluinnarparput.

Maniitsup eqqaani portusuunik qaqqartunerput taserpassuaqarneralu ilisimaneqaatigaarput. Suliffeqarfissuit Nunatta avataaneersuniik arajutsisimaneqanngilaq, erngup nukiliorfiliorfigissallugit nukimmik annertunerpaamik eqqarput periarfigissaqarluartoq. Taaneqarsinnaasut ilagiinnarpaat, Alcoa Maniitsup qeqertaani ukiorpassuarni suliffippassuarnik ataavartunik aningaasarsiorfissatsinnillu aatsitsivissualiorusunnikuugaluartoq, politikikkulli **ilaatigut isummernialuusaarneq pissutaalluni pilersaarumminik tunuartitsigallarsinikuusoq.**

Qasigiannuani Tasiilamilu erngup nukiliorfiliortoqarsinnaaneranut partii Atassummiit akuerseqataasarsimavugut. Massakkulli Maniitsoq pilersitsivigissallugu inatsisartuni Naalackersuisuniillu nalorninaatsumik tapersersuisoqarnissaa pisariaqartipparput. Nukissiorfiit nalunaarusiamik saqqummiussaqaarmata, naatsersuutigisimagaluarpara Naalackersuisut namminneq erngup nukiliorfiusinnaasut tulleriaarinermi piukkunnaateqarluarluartullu ersarissumik inatsisartunut saqqummiukkumaaraat.

Taamaattumik Naalackersuisut alloriarnissat tulliusut pillugit pilersaarummik saqqummiusseqqullugit peqquneqarnissaannik siunnersuuteqarpunga, Tasersiami erngup nukinganik pilersitsisoqarsinnaalernissaa tigussaanagerusumik takussuserlugu.



**Aningaasatigut ingerlatsinikkullu pisortanut kingunerisassai:**

Pilersaarusiornissamut piffissaq atorineqartussa q ukiup affaata iluaniissinnaanissaa naatsorsuutigineqassaaq. AC-fuldmægtigellu ukiup affaanut sulineratut naleqassalluni 250.000kr.

**Namminersortunut aningaasarsiornikkut allaffissornikkullu kingunerisassai:**

Soqanngilaq.

**Innuttaasunut aningaasarsiornikkut allaffissornikkullu kingunerisassai:**

Soqanngilaq.